

Հայաստանի Հանրապետության փաստաբանների պալատի և Հայաստանի Հանրապետության ոստիկանության միջև 08.02.2012թ ստորագրվել է համագործակցության մասին. փոխըմբռնման հուշագիր: Կողմերը համագործակցում են հետևյալ ուղղություններով.

1 Օրենսդրական նախաձեռնություն - նորմատիվ իրավական ակտերի նախագծերի համատեղ մշակում և ներկայացում իրավասու մարմիններին:

2 Արագ արձագանքման միջոցառումներ - Ոստիկանության աշխատակիցների և փաստաբանների միջև՝ կապված նրանց մասնագիտական պարտականությունների կատարման հետ, որևէ խնդիր ծագելու դեպքում, այդ խնդրի անհապաղ քննարկումը և օրենքի տառին համապատասխան լուծումը:

3 Վարքագծի կանոնների պահպանման ապահովում - ոստիկանների կամ փաստաբանների կողմից վարքագծի կանոնների խախտումների հայտնաբերումը, փոխադարձ իրազեկումը և պատասխանատվության ենթարկելու հարցի լուծումը.

4 Սեմինարներ և միջոցառումներ - անցկացվելիք միջոցառումների և/կամ սեմինարների մասին տեղեկատվության փոխանակում: Փոխադարձ դասընթացների վարմանը մասնակցություն:

5 Քննարկումներ - համատեղ քննարկումների (կլոր սեղաններ) կազմակերպում՝ իրավունքի կամ գործնական ոլորտում առաջացած խնդրահարույց և այլ հարցերի կապակցությամբ:

Ինչպես նաև փոխադարձ հետաքրքրություն ներկայացնող այլ ուղղություններով:

Կողմերը ստեղծել են հասարակական հիմունքներով գործող վեց անդամներից կազմված հանձնախումբ (այսուհետ՝ Հանձնախումբ), որը ձևավորվում է հետևյալ կերպ՝ Ոստիկանության պետի հրամանով նշանակվում են Հանձնախմբի երեք անդամները՝ Ոստիկանության համակարգից, որոնցից մեկը Ոստիկանության համակարգող, Պալատի նախագահի որոշմամբ նշանակվում են Հանձնախմբի երեք անդամները՝ փաստաբանների կազմից, որոնցից մեկը Պալատի համակարգող:

Բեռնել Հուշագիրը

Հուշագրի շրջանակներում ստեղծված հանձնախմբի՝ Հայաստանի Հանրապետության փաստաբանների պալատը ներկայացնող անդամներն են՝ Կարապետ Աղաջանյանը, Գևորգ Մկրտչյանը և Գառնիկ Թուխտարյանը:



Կարապետ Աղաջանյան
Հանձնաժողովի համակարգող
Փաստաբան



Գևորգ Մկրտչյան
Հանձնաժողովի անդամ
Փաստաբան



Գառնիկ Թուխտարյան
Հանձնաժողովի անդամ
Փաստաբան

